

校碑隨筆

第一冊

校

碑

隨

華

校碑隨筆

凡例

一書既專校碑字則碑字無可校者不錄

一所校碑碣由周秦迄五代止

一未見著錄之品必附全文但自劉宋以後碑志多

止書不必強為釋讀故所附全文以北涼為斷

一碑佚既久成海內孤本間或經眼與友人攷談精

確數事附錄辨論摹本之後不為標列

一自魏迄唐造象多不勝錄苟非泐字與未見著錄

之大品與不明所在與摹刻有別者不錄

一唐墓志亦多不勝錄非泐字與不明所在與摹刻有別者不錄

一偽刻別為一卷附

一此書只舉所知不免挂漏且石之泐也愈久愈甚願後之攷古家續而廣焉

校碑隨筆

定海方若藥甫著

周

石鼓文篆書鼓十第一鼓十一行行六字第二鼓九
行行七字第三四鼓十行行七字第五鼓泐甚行
數字數不可計第六鼓十一行上泐下存四字第
七鼓泐甚行數字數不可計第八鼓全泐第九鼓
十五行行五字第十鼓泐甚行數字數不可計在
直隸大興國學

石鼓文字代見剝落故自宋迄今諸家所述字數
不同歐陽文忠見四百六十五字本趙夔見四百

十七字本胡世將見四百七十四字本薛尚功見
四百五十一字本潘迪見三百八十六字本孫巨
源見四百九十七字本吾邛衍見四百三十餘字
本此後凡見總三百餘字矣惟都穆得見宋拓四
百二十二字本浙江莒縣范氏天一閣藏北宋拓
四百六十二字本咸豐十年毀于兵燹阮文達有
摹刻置諸杭州府學盛昱有摹刻置諸國學韓文
公祠壁原石據精拓本剝蝕字隱約可辨與所餘
半字可辨者亦計則共得三百十餘字明拓國初
拓本第二鼓第四行其道氏鮮之氏鮮二字未損

第五行黃帛其鰓又字下之鰓又二字未損近拓
本氏字只半鮮鰓又三字泐明拓國初拓本之別
在第四鼓第五行輶車載道之載字如載字下右
角尚存即為明拓本若第八鼓尚存一微字尤明
拓之在前者也予未之見予見最舊明拓本第二
鼓第四行黃帛二字第五行其字皆未為石花所
泐及第九行柳字下有一小方亦未泐落其前行
之半呂字可見此種拓本不可多得諸城尹氏著
石鼓文模本據宋拓以較近拓點畫不遺可謂詳
矣近有石影本即黃帛未損本也但字畧為縮小

旋更見一拓本第二鼓第一行毆上沂字第二行
處之上鰓鯉二字皆完好第四鼓五行轎車載
道之道作衍亦未泐意非宋拓亦元拓歟

秦

泰山刻石殘字篆書存四行前行四字餘各二字在

山東泰安泰山故名

二世元年

據明拓本此刻石已只存四行二十九字末有北
平許氏隸書跋二行舊置碧霞祠東廡乾隆五年
庚申祠火石失所在嘉慶二十年乙亥再訪得即
今碎為二方之十字也訪得後初拓本斯字其旁
下半一畫尚存且筆道較近拓本稍肥石既置山
頂東嶽廟西室因傾圮又移置山下道院壁間但
此刻石恐高出宋人手先我辨之亦自有人後有

從二十九字本轉摹者金石刻之金字原作金摹
誤作金別見不誤本筆道石花宜審孫星衍徐宗
幹阮文達吳熙載輩皆摹之豈止一聶本乎

琅邪臺刻石篆書存十二行行八字舊在山東諸城

琅邪臺故名已佚

二世元年

完全拓本首行五大夫楊樛前尚有五大夫殘字
第八行成功盛德之德字舊拓本宛然後不可見
迨雖縣陳氏精拓又見德字蓋苔蘚沙土所封乎
末行制曰可三字則早泐石裂曾鎔鐵束之字雖
漫漶究留一方秦篆乃忽失去或云觸雷或云實

傾墮海中秦刻石遂絕于天壤

又校得鐵束以前如後嗣為之者之字明晰未為
灰泥填補裂處故也方是明及國初拓本若無之
字而有德字在鐵束以後矣再後灰泥脫落又有
之字但德字則為泥所封最後之字德字均經洗
出如灘縣陳氏監拓之本是也

[illegible]

漢

魯孝王刻石隸書三行前二行各四字後行五字在

山東曲阜

五鳳二年六月

石金昌明二年出土字完好膠州高南阜鳳翰嘗
以是刻舊拓本手自鉤摹今餘姚張氏為鋟木以
傳之然原本鳳字兩旁並無分出之波魯字上半
中有直畫魚下之火亦尚分明高摹皆誤見翁氏
兩漢金石記此刻石與篆書居攝二年二墳壇俱
在孔廬近無精拓本舊拓精者亦不易遇其後另
方高德裔獲石題記舊拓第六行年字第七行六

月二字皆未損近則年字末二筆六字末筆與月
字首二筆損矣

朱博殘碑隸書存十行行三四五字不等歸諸城尹
氏

光緒元年山東青州之東武故城出土為諸城尹
彭壽所得初拓本有其印記得石後即顏其堂曰
博石堂

審書法由篆入隸之過脈碑云惟漢河其為西漢
河平年乎有人疑偽蓋未見石耳第三行起至第
六行下斜裂一道

未見著錄此碑下殘

惟漢河

尉來博口

督史諸佐

布治掾史

賞過必誅

姑莫縣捕

卿奉檄十

漸除豪強

恩周郎邪民

頌萬世

庶孝禹碑隸書二行十五字歸南海李氏

河平三年

八月

碑上畫二鶴形其一剝蝕不明文右行河平三年

八月丁亥八字左行平色侯里庶孝禹七字跋云

同治庚午揚州宮本昂宮昱任城劉恩瀛訪得此
碑于平邑江曙高文保來觀平邑漢屬代郡今直
隸大名府南樂縣東北汪氏十二硯齋金石過眼
錄謂平邑氏里審字似侯蓋左明係撇非鉤也下
似尚有矢字可見謂庶孝禹乃庶孝象則益誤

三老諱字忌日記隸書作四列列四五六行行六七
八九字不等歸餘姚周氏

建武廿八年五月

石咸豐壬子出土歸餘姚客星山下周氏後經辛
酉之亂亂黨用以作竈石雖受薰灼字幸依然完
好初出土拓本第四列第一行次子之次字末筆

未損直線外尚有石少許近拓泐及線內遂連末
筆

大吉山買地摩崖隸書上二字下五行行四字在浙

江會稽

建初元年

此摩崖也汪氏十二硯齋金石過眼錄以為碑紀
其尺寸誤矣漢刻石之字此為最大別有題記正
書五行往往不拓以飾作初出土本題記云後一
千七百四十八年道光癸未南海吳榮光偕仁和
趙魏武進陸耀通山陰杜煦杜春生獲石同觀吳
榮光手筆也以其不拓鮮知之者